

# **Saqitsaannermik suliat pillugit**

## **ilisimasariaqakkatit**

**Saqitsaannermik suliat nalinginnaasut tassapput  
inummut allamut piumasaqaammik  
aalajangiititsiniaaneq. Soorlu tamanna pigisamik  
aningaasanilluunniit piumasaqaataasinnaavoq.**

## **Suliassanngortitsissut**

Saqitsanneq pillugu suliassanngortitsisoqartarpoq suliassanngortitsisummit Kalaallit Nunaanni Eqqartuussivimmut tunniussinikku. Saqitsanneq pillugu suliassanngortitsisinnaani illuatungerisaq attaveqarfingineqassaaq, misilillugu isumaqtiginnissaq anguniarneqarluni.

## **Piumasaqaat**

Suliassiisup suliassanngortitsisummi allaaserissavai piumasaqaat imaluunniit piumasaqaatit, eqqartuussiviit ikiortigalugit akueritikkusutani imaluunniit naammassitikkusutani. Piumasaqaammi allanneqassaaq suliap qanoq inerneqarnissaa kissaatigineqarnersoq.

Suliassanngortitsisummi piumasaqaat tassaakkajuttarpoq illuatungerisaq suliassiisumut aningaasanik akiliissasooq. Aammali piumasaqaat tassaasinnaavoq illuatungerisap akuerissagaa suliassiisoq allanut tunngatillugu pisassaqartoq, soorlu pigisamik tunniussivigineqarnissamik.

## **Suliassanngortitsissutip imaa**

Suliassanngortitsisummit tunniussaqarniartillutit paasissutissat aalajangersimasut tamarmiusut allannissaat pingaaruteqarluinnarpoq

Suliassiisup allassavai nammineq (suliassiisup):

- Aqqi tamaasa
- Najugaqarfik
- Imm. postboks
- Oqarasuaatip normua/telefaxnormu/e-mail

Suliassiisup allassavai suliassanngortitaq:

- Aqqi tamaasa
- Najugaqarfia (aqquserngup taaguutaa, illup nr., post nr. + illoqarfik (najugaqarfia ilisimasaqarfinginngikkukku innuttaasunut sullissivimmut saaffiginnillutit pineqartup najugaqarfia paasiniassavat).
- Najugaqarfik allakanut apuussiffissaq, ilanngullugu najugaqarfik suliassiisumut nalunaarutinik nassiuussiffissaq tusarliussiffissarlu
- Ajornanngippat oqarasuaatip normua/telefaxnormu/e-mail

Aamma allaqqassaaq:

- Eqqartuussisoqarfiup taaguutaa
- Illit piumasaqaatit
- Piumasaqaammut tunngavilersuutit

- Ilisimannittut, suliami aggersarusutavit, aqqi najugaqarfiilu immaqalu oqarasuataasa normui
- Ilanngussassat ilanngullugit nassiunneqartut tulleriaarlugit allattorneqarnerat. Ilanngussassat tamarmik normulersorneqassapput
- Uppernarsaatit allat, suliami ilanngukkusutatit

## **SULIAP INGERLANNEQARNERA**

Kalaallit Nunaanni Eqqartuussiviup suliaq tigoreerpagu eqqartuussisut misissussavaat eqqartuussivimmuit akitsuut akilerneqarsimanersoq aamma suliassanngortitsissut paasissutissanik qulaaniittunik imaqarnersoq. Piumasaqaatit suliassanngortitsissummi naammassineqarsimappata aamma eqqartuussivimmuit akitsuut akilerneqarsimappat, eqqartuussisut allakkanik suliassanngortitamut nassiussissapput, suliassanngortitsissutip nuutsinnejarnera ilanngullugu. Suliassanngortitaq piumasaqaammut akerliliinissaminut sap. akunnerinik sisamanik piffissaliivigineqassaaq.

Suliassanngortitap suliassanngortitsissut tusarliussaq akissuteqarfinginnippagu eqqartuussisut suliassiisup piumasaqaataa malillugu eqqartuussuteqarsinnaapput. Suliassanngortitaq suliassiisup piumasaqaataanut isumaqataappat eqqartuussisut piumasaqaat malillugu eqqartuussuteqassapput.

Eqqartuussisut piareersaataasumik eqqartuussinermut aggersaasinnaapput, illuatungeriinnik ilitsersuinissaq suliallu ingerlaqqinnissaanik paasinarsaanissaq siunertaralugu.

Illuatungeriit isumaqatigiissinnaanngippata suliaq inaarutaasumik suliarineqarluni eqqartuussutissaq isumaqatigiinniutiqassaaq, tassani illuatungeriit suliaq eqqartuussisunut oqaatsitigut saqqummiutissavaat. Eqqartuussisut suliami aalajangiissapput, upernarsaatit eqqartuussutissamik isumaqatigiinniuteqarnermi saqqummiunneqartut tunngavigalugit.

Attaveqarfissat tamaasa paasissutissutigereerukkit eqqartuussivimmullu akitsuut akilereerukku aatsaat suliassanngortitsissutit eqqartuussisunit suliarineqassaaq.

## **Eqqartuussivimmuit akitsuut**

Suliani saqitsaannermut tunngasuni eqqartuussivimmuit akitsummik kr. 500-nik akiliisoqassaaq.

Eqqartuussivimmut akitsuut uunga akilerneqassaaq  
Kalaallit Nunaanni Eqqartuussivik , GrønlandsBanken reg.  
Nr. 6471 kontonr. 1032663.

Akitsuut Kalaallit Nunaanni Eqqartuussiviup piffissaliussaa qaangiutsinnagu akilerneqanngippat suliaq itigartitsissutigineqassaaq.

**Eqqartuussiveqarfik ilitsersuisarpoq, kisianni inatsisitigut ikorsiisanngilaq. Suliami ilinnut tunngasumi siunnersorneqartariaqaruit IKIU imaluunniit eqqartuussissuserisoq inatsisitigut ikorsiisinnaatitaasoq, inunnik pisariaqartitsissutinik inatsisitigut ikorsiisartoq, saaffigisinnaavat. Eqqartuussissuserisut inatsisitigut ikorsiisinnaasut allattorsimaffiat uani takusinnaavat [www.eqqartuussivik.gl](http://www.eqqartuussivik.gl)**

### **Attaveqarfissaq**

Arlaannik nalornissuteqaruit imaluunniit ilitsersorneqartariaqaruit paasissutissat amerlanerit uani takusinnaavatit: [www.eqqartuussivik.gl](http://www.eqqartuussivik.gl) imaluunniit eqqartuussisoqarfik sianerfigisinnaavat: 36 38 00

